

**PROPOZICIJE ZIMSKOG PRVENSTVA  
BOSNE I HERCEGOVINE U PLIVANJU ZA 2022. GODINU, bazen 50m  
04. i 05.03. 2023. godine  
Olimpijski bazen "Otoka" Sarajevo**

**ČLAN 1.**

Prvenstvo organizuje Plivački Savez Bosne i Hercegovine ( PS BiH ) koji preko svojih organa i odbora utvrđuje sve propozicije i pravila za 2023. godinu. Prvenstvo se održava po pravilima PS BiH i FINA pravilima.

**ČLAN 2.**

Kategorije plivača koji učestvuju na ljetnom državnom prvenstvima su slijedeće:

1. „Dječaci do 12 godina“ (2011 i mlađi), „djevojčice do 10“ godina i mlađe (2013 i mlađe)
2. – Kadeti 13 i 14 godina (2009-2010), žene 11 i 12 godina (2011-2012)

3.- Mlađi juniori 15 i 16 godina (2007-2008), žene 13 i 14 godina (2009-2010),

4. -Juniori /muški 17 i 18 godina (2005-2006), žene 15 i 16 godina (2007-2008),

**5. Seniori – Apsolutno**

Sve kategorije su zatvorene, osim Apsolutne kategorije.

**ČLAN 3.**

Prvenstvo se održava zajedno za sve kategorije.

**ČLAN 4.**

Pravo nastupa imaju klubovi i takmičari koji su ispunili sljedeće uslove:

- a) da su registrovani u skladu sa Pravilnikom o registraciji PS BiH,
- b) da su izmirili sve obaveze prema PS BiH, PS F BiH, PS RS
- c) da ispunjavaju uslove propisane ovim Propozicijama.

Prvenstvo je otvoreno i za takmičare iz klubova ili nacionalnih saveza koji su članovi FINA.

**ČLAN 5.**

1. Klubovi su odgovorni za zdravstvenu kontrolu plivača, a službena prijava je garancija kluba o zdravstvenoj sposobnosti plivača, te da su ljekarski pregledani.
2. Svi takmičari moraju imati takmičarske legitimacije. Kontrolu takmičarskih legitimacija Delegat/Komesar prvenstva ima pravo zatražiti na sastanku delegata. Pojedinačna kontrola takmičara, radi utvrđivanja identiteta, može biti izvršena i u svakom trenutku prvenstva.
3. Organi Saveza, preko Delegata/Komesara prvenstva, zadržavaju pravo da izvrše doping kontrolu takmičara u skladu sa dogovorom sa agencijom. Doping kontrolu može vršiti samo Agencija za antidoping kontrolu BiH. Organizator je dužan da obezbijedi uslove za nesmetan rad doping kontrole. Sa rezultatima doping kontrole Upravni odbor će upoznati sve klubove i plivače.
4. Prijava za takmičenje vrši se isključivo u lenex formatu. Prijava se dostavlja na e-mail adresu Saveza- psbih@yahoo.com i e-mail adresu BH TIMING-a, jedinstvene elektronske obrade podataka preko swimrankings.net - ISTOVREMENO. Ukoliko se, prilikom slanja prijave, ne pošalje na obje adrese, prijava NEĆE biti prihvaćena. Prijava mora stići, na gore navedene adrese, najkasnije do **utorka 28.02.2023. godine** do 23:59 sati. Preliminarne startne liste biće postavljene na WEB stranici PS BiH ili na WEB stranicama [www.swimrankings.net](http://www.swimrankings.net) najkasnije do **četvrtka 02.03.** u 23:59 sati. U prijavi mora biti navedeno ime i prezime

delegata-predstavnik kluba. Ako na takmičenju delegat kluba ne može iz nekih razloga više obavljati tu funkciju, klub ga može zamijeniti drugim delegatom i o tome obavijestiti delegata takmičenja. Obradu podataka svih takmičenja na nivou BiH ( državnih i međunarodnih ) vrši BiH Timing, a provjera podataka vrši se u saradnji sa generalnim sekretarom PS BiH.

5. U prijavi za takmičenje, takmičaru se upisuje najbolje isplivano vrijeme u posljednjih 12 mjeseci. Prijavljeno vrijeme mora biti iz odgovarajućeg bazena. Takmičar može biti prijavljen bez vremena (NT) samo u slučaju da nema isplivano vrijeme u toj disciplini ni na jednom takmičenju u posljednjih godinu dana.

6. Za pojedinačno prvenstvo klub ima pravo da prijavi neograničen broj takmičara u svakoj individualnoj disciplini programa i po jednu štafetu po kategoriji. U jednom dijelu programa takmičar ima pravo nastupa u tri individualne discipline i u štafeti. U prijavi se može staviti i rezervna disciplina u drugom dijelu ( ukoliko plivač-plivačica ne bi bio uvršten u disciplinu 800 i 1500m). U štafeti mogu plivati samo takmičari koji su prijavljeni za to prvenstvo.

Kategorije za štafete nisu zatvorene, mlađa kategorija može plivati za stariju u štafeti. Ukoliko takmičar pliva samo u štafeti dužan je takođe platiti startninu. Ukoliko se takmičar prijavljen u štafeti razboli i dobije uvjerenje od dežurnog ljekara da ne može nastupiti, može biti zamijenjen drugim plivačem, uz obavještenje sudijskog aparata i izmjenu u startnoj listi. Ukoliko takmičar bude prijavljen za više nastupa u jednom dijelu takmičenja, priznaju se prve **tri** discipline po utvrđenom rasporedu programa.

7. Van konkurencije (VK), može se nastupiti samo uz odobrenje Saveza – na prethodni upit. U tom slučaju takmičar nastupa u prvoj grupi.

8. Prijavljeni takmičar može se odjaviti prije početka prvenstva. Konačne odjave vrše se na tehničkom sastanku, jedan sat prije početka takmičenja. Takmičar koji se ne pojavi na startu, a nije pravovremeno odjavljen, nema pravo nastupa u tom dijelu prvenstva, a ako je prijavljen u štafeti ne može biti zamijenjen i u tom slučaju štafeta neće moći nastupiti. Takmičar koji se pojavi na startu, a ne pliva, može da nastupi u narednim trkama, osim u slučaju potvrde dežurnog ljekara, kada se ne mora ni pojaviti na startu niti platiti kaznu. Svi takmičari plaćaju jedinstvenu startninu u iznosu od 20 (dvadeset) KM. Uplata startnine se vrši na sastanku delegata ili na žiro račun Saveza . Plaćanja startnine oslobođeni su plivači koji imaju A reprezentativnu normu (seniorsku ili juniorsku u odnosu na bazen na kojem se održava prvenstvo 25m ili 50m) u trenutku održavanja prvenstva, norma vrijeme ne može biti starije od 12 mjeseci. Kazne se plaćaju organizatoru takmičenja odmah po završetku jednog dijela takmičenja u skladu sa Odlukom o visini taksi, kazni, naknada i drugih davanja koju je donio PS BiH.

9. Klub za koga se utvrdi da je dao netačne podatke o isplivanom vremenu takmičara, u prijavi za takmičenje (a ne može dokazati da je vrijeme isplivano), kazniće se sa 300 (tristotine ) KM. Klub može da prijavi takmičara slabije vrijeme u odnosu na svoje najbolje vrijeme.

10. Za netačno prijavljeno godište takmičara, kao i lažno ime, klub će biti kažnjen novčanom kaznom u iznosu 1000 (hiljadu) KM uz pokretanje disciplinskog postupka za odgovorno lice u klubu. Provjere ispravnosti prijavljenih podataka vrši lice zaduženo za obradu podataka, u saradnji sa generalnim sekretarom PS BiH, sve eventualne greške u prijavama moraju biti ispravljene prije sastanka delegata (sat vremena prije početka prvenstva).

11. Kape plivača, na prvenstvu mogu biti: klupske, sa znakom saveza ili BiH ili neutralne (dozvoljava se ime sponzora kluba ili plivača/plivačice ). Ukoliko se dogodi da plivač/plivačica nastupi sa oznakom druge države na kapi – biće upozoren od strane startera, a ako ne promjeni kapicu, biće diskvalifikovan. Plivački kostimi koje koriste plivači/plivačice moraju biti na listi odobrenih kostima – FINA. Plivač/plivačica koji nastupi sa kostimom koji nije na listi odobrenih, biće upozoren od strane startera ili ako ne promjeni kostim, biće diskvalifikovan. Zabranjena je upotreba plivačkih odijela za dječake do 12 godina i za djevojčice do 10 godina. Za kontrolu kostima zadužen je Vrhovni sudija i sudijski aparat u cijelini. Ukoliko plivač/plivačica na pomoćnom startu nije upozoren od strane sudijskog aparata a nastupa u kostimu koji nije na listi odobrenih kostima a utvrdi se da je plivao u tom kostimu biće diskvalifikovan, a sudija kažnjen.

12. Na prvenstvu se pliva na onoliko staza koliko je ploča elektronike, poštujući pravilo da se ne može plivati u onim stazama u kojima su fiksirane stepenice.

13. Na prvenstvu se u svim individualnim disciplinama (osim 800m i 1500m slobodno koje su ograničene na jednu grupu, A otvoreno finale 8 najboljih rezultata), plivaju kvalifikacije u jutarnjem dijelu programa i A i B i C finale u popodnevnom dijelu programa.

**“A”apsolutno finale,**

„B“ je za mlađe juniore, juniore/omladince , “C” finale za mlađe kadetsku/mlađe pionirsku/ i kadetsku kategoriju ( **kadetsku/mlađe pionirsku plivaju samo za rezultat**). 400m slobodno i 400m mješovito su ograničene na tri grupe u kvalifikacijama, po vrijednosti prijavljenog rezultata. Medalje se dodjeljuju za sve kategorije u poslijepodnevnom dijelu programa, **osim za mlađe kadetsku/mlađe pionirsku kategoriju, gdje se medalje dodjeljuju ujutro.**

**Plivači koji nisu ostvarili pravo na finalnu trku, a treće rangirani su u disciplini priznaje im se vrijeme iz prvog dijela ( samo u slučaju da nema tri plivača u finalnoj trci u toj kategoriji) .** Grupe za kvalifikacije se formiraju u odnosu na nosioce grupa (FINA SW 3.1.2 i dalje). Finalne grupe za discipline 800m i 1500m slobodno i kvalifikacione grupe, 400m slobodno i mješovito, se formiraju po prijavljenim rezultatima (ne starijim od 12 mjeseci uz obavezu službene potvrde isplivanog rezultata). Štafete se plivaju kao direktno finale, mlađe kategorije u jutarnjem dijelu programa, a mlađi juniori, juniori i seniori, u popodnevnom dijelu programa. Ukoliko se prijavljuje štafeta za obaranje rekorda u uzrasnim kategorijama PSBiH potrebno je najaviti istu kod obrade podataka.

14. Odjave nastupa u A, B finalu se vrše pismeno, na formularu za odjave, najkasnije 30 minuta od objavljivanja rezultata u kvalifikacijama za određenu disciplinu. Takmičari koji se ne pojave u finalima biće zamijenjeni takmičarima koji su plasirani kao rezerve ( 9 i 10 mjesto u kvalifikacijama) u tim disciplinama.

15. Proglašenja pobjednika vrše se na način kako je to regulisano ovim Propozicijama. Osvajači medalja **OBAVEZNI** su da se pojave na pobjedničkom postolju u odgovarajućoj sportskoj opremi, majicama ili trenerkama (ne u kupaćim kostimima ). Izuzetak može biti ako je takmičar, zbog zgusnutog rasporeda, na pomoćnom startu i nastupa u narednoj disciplini u trenutku dodjele. Nagrade obezbeđuje organizator prvenstva.

16. Sva prvenstva počinju u 9 (devet) sati prije podne i u 17 (sedamnaest) sati poslijepodne. Rasplivavanje je 1 (jedan) sat prije početka svakog dijela prvenstva. Državna prvenstva se vrše po pravilu tzv. start prve tri najbolje grupe, izuzev 800m i 1500m slobodno, kao i pravilo tzv. letećeg starta. Delegat prvenstva može pomjeriti početak nekog dijela prvenstva o čemu delegati klubova moraju biti blagovremeno obaviješteni.

17. Tehnički sastanak (sastanak delegata-predstavnik klubova) održava se 1 (jedan) sat prije početka prvog dijela prvenstva. Sastankom rukovodi Delegat saveza i Vrhovni sudija takmičenja. Na sastanku se vodi Zapisnik, koji se dostavlja kancelariji saveza zajedno sa izvještajima službenih lica, delegata i vrhovnog sudije. O vremenu i mjestu održavanja sastanka organizator prvenstva je dužan pravovremeno obavijestiti sve klubove učesnike. Sastanak delegata može se održati po potrebi, a na zahtjev Delegata takmičenja, u bilo kom trenutku u toku prvenstva.

18. Na prvenstvima se vrši elektronsko mjerenje vremena. Ukoliko na takmičenju otkaže elektronski sistem za mjerenje vremena, Vrhovni sudija može dozvoliti i ručno mjerenje, ali se takav rezultat ne može vrednovati kao rekord, a u zapisniku se mora naznačiti da je ručno izmjereno vrijeme. Stručni odbor PSBiH zajedno sa obradom podataka vodi evidenciju rekorda Bosne i Hercegovine u plivanju po kategorijama i disciplinama.

19. Službeno otvaranje prvenstva vrši se u 16,45 časova prvog dana takmičenja. Prvenstvo će otvoriti predstavnik PSBiH ili lice koje organizator odredi uz odobrenje UO PSBiH. Na otvaranju Državnog prvenstva podiže se zastava i svira himna Bosne i Hercegovine.

20. Domaćini prvenstava, uprave bazena domaćina u saradnji sa predstavnicima PS BiH, dužni su sprovesti odluke PS BiH koje proističu iz ugovornih obaveza koje je preuzeo PS BiH u odnosu na pokrovitelje, sponzore ili donatore. Ova odredba je dio Protokola koji se potpisuje sa bazenom domaćinom uoči održavanja prvenstava.

21. Za državna prvenstva, vrhovnog sudiju, startera i glavnog mjerioca vremena, delegira UO, dok za međunarodna prvenstva klub organizator delegira sudije sa liste sudija PS BiH. Na prvenstvu se vodi zapisnik čiji oblik utvrđuje UO PS BiH. Zapisnik vodi delegat/ komesar i isti mora biti dostavljen u elektronskoj formi, sa svim popratnim dokumentima, u roku od 3 dana od završetka takmičenja, od strane delegata/komesara prema PS BiH, na službenu e-mail adresu PS BiH. Delegata prvenstva određuje UO PS BiH. Ukoliko delegirani sudija odbije da sudi državno prvenstvo, bez opravdanog razloga koji može biti samo bolest ili odsustvo iz BiH, ne može biti sudija niti na jednom takmičenju koje se održava u BiH, biće kažnjen u skladu sa Pravilnikom o disciplinskoj i materijalnoj odgovornosti PS BiH. Svaki sudija dužan je da nosi svoju legitimaciju na vidljivom mjestu sa svojim imenom i prezimenom. Sudije moraju biti jednoobrazno obučeni. PS BiH vrši kontrolu suđenja, putem ovlaštenih lica, a koja se imenuju istovremeno kad i službena lica na prvenstvu, koji će izvještaj dostaviti u roku od 24 sata, od sata završetka prvenstava, prema PS BiH, u elektronskoj formi na službenu e-mail adresu PS BiH. Sudije su dužne popunjavati obrasce koje sačini PS BiH, kod svake radnje koju je potrebno dokumentovati (ručno mjerenje vremena od strane glavnog mjerioca vremena i sl), a obrasci se odmah po završenoj disciplini predaju delegatu/komesaru, te su sastavni dio zapisnika.

22. Klubovi mogu kontaktirati sa delegatom/komesarom prvenstva, ulagati prigovore i žalbe, samo preko delegata kluba. Po uočenoj nepravilnosti, u roku od 15 minuta, delegat kluba usmeno može tražiti objašnjenje od vrhovnog sudije koji mu odmah može dati odgovor. Ukoliko delegat kluba nije zadovoljan, u roku od 30 minuta može se pisati žalba Delegatu prvenstva, uz uplatu takse 100 KM. O žalbi odlučuje petočlana komisija u sastavu, vrhovni sudija, sudija koji je uočio nepravilnost/sudija koji je trebao uočiti nepravilnost, delegat prvenstva, konsultant PS BiH ispred UO i delegat kluba koji se žali. Komisija se imenuje kad

i službena lica za određeno prvenstvo. Komisija odlučuje većinom glasova i ne može biti uzdržanih. Usmeni odgovor na žalbu daje se u roku od 30 (trideset) minuta od zaprimljene žalbe, a pisani najkasnije u roku od 1 (jednog) sata po završetku tog dijela takmičenja. Naknadni prigovori neće se uzimati u razmatranje. Ukoliko žalba bude povoljno riješena, taksa se vraća uplatiocu. Nezadovoljni klub odlukom o žalbi ima pravo prigovora, u drugom stepenu,

Upravnom odboru PS BiH, u roku od 3 dana od sata završetka prvenstva, uz uplatu takse u iznosu od 200 (dvijestotine) KM na žiro račun PS BiH. U slučaju pozitivnog rješenja, taksa se **vraća**. UO PS BiH na prigovor odgovara u roku od 3 dana od sata kada je žalba zaprimljena putem e-maila na službenu e-mail adresu PS BiH. Prigovor mora sadržati razloge, obrazloženje, te eventualne dokaze. Video snimak ne može biti dokaz. Prigovor u drugom stepenu se podnosi iz razloga povrede ovih Propozicija ili FINA pravila.

## ČLAN 6.

Program prvenstva je slijedeći:

### RASPORED DISCIPLINA

Red. Br.	I DAN SUBOTA 04.03.2023. GODINE	Spol	II DAN NEDJELJA 05.03.2023. GODINE	
1	50m prsno	Z/M	50m leđno	Z/M
2	400m slobodno	Z/M	200m slobodno	Z/M
3	100m leđno	Z/M	200m prsno	Z/M
4	400m mješovito	Z/M	200m leđno	Z/M
5	200m delfin	Z/M	50m slobodno	Z/M
6	100m slobodno	Z/M	100m delfin	Z/M
7	100m prsno	Z/M	200m mješovito	Z/M
8	50m delfin	Z/M	1500m slobodno	Z/M
9	800m slobodno	Z/M	4x50m slobodno	Z
10	4x50m slobodno	M	4x50m mješovito	
11	4x50m mješovito	Z		



#### **ČLAN 7.**

Prvenstva će se održavati na bazenima koji ispunjavaju sve uslove u skladu sa FINA pravilima i ovim Propozicijama. Odluku o mjestu održavanja državnih prvenstava donosi UO PS BiH, vodeći računa o interesima PS F BiH i PS RS, finansijskim razlozima i sl.

#### **ČLAN 8.**

Ukoliko PS BiH nije u mogućnosti organizovati državno prvenstvo, organizaciju istog može povjeriti jednoj od članica ili klubovima, na osnovu raspisanog konkursa i uslova koje eventualno ponudi zainteresovani organizator.

#### **ČLAN 9.**

Stupanjem na snagu ovih Propozicije prestaju da važe sve do sada donesene propozicije.

#### **ČLAN 10.**

PS BiH zadržava pravo izmjene i dopune ovih Propozicija.

#### **ČLAN 11.**

Ove Propozicije stupaju na snagu i primjenjuju se danom donošenja.

Datum: 20.02.2023.

